

1. **Ministarstvo za nauku, visoko obrazovanje i mlade Kantona Sarajevo**, ID broj: 4202841290000, ul. Reisa Džemaludina Čauševića broj 1, koga zastupa ministrica prof. dr. Aleksandra Nikolić (u daljem tekstu: Ministarstvo) i
2. **Fakultet političkih nauka Univerziteta u Sarajevu**, ul. Skenderija 72, koga zastupa prof.dr. Sead Turčalo, dekan fakulteta

zaključili su dana 10.10.2022. godine

UGOVOR
O FINANSIRANJU PROJEKTA
“IZRADA AKCIONOG PLANA ZA STRATEGIJU MEDIJSKE I INFORMACIJSKE
PISMENOSTI U OBLASTI OBRAZOVANJA KANTONA SARAJEVO”

Pravni osnov

Ugovorne strane saglasno utvrđuju da se ovaj Ugovor zaključuje na temelju Programa utroška sredstava sa kriterijima raspodjele tekućih i kapitalnih transfera utvrđenih Budžetom Kantona Sarajevo Ministarstva za nauku, visoko obrazovanje i mlade za 2022. godinu („Službene novine Kantona Sarajevo” broj: 16/22).

Član 1.

(Predmet - svrha dodjele sredstava putem transfera)

Na osnovu ovog ugovora dodjeljuju se finansijska sredstva u iznosu od 50.500,00 KM (slovima: pedesethiljadapetstotinakonvertibilnih maraka) za finansiranje projekta Fakulteta političkih nauka Univerziteta u Sarajevu pod nazivom “Izrada Akcionog plana za Strategiju medijske i informacijske pismenosti u oblasti obrazovanja Kantona Sarajevo”, a na osnovu Odluke o usvajanju Programa utroška sredstava s kriterijima raspodjele tekućih i kapitalnih transfera utvrđenih Budžetom Kantona Sarajevo Ministarstva za nauku, visoko obrazovanje i mlade za 2022. godinu (“Službene novine Kantona Sarajevo”, broj: 16/22), Zaključka Vlade Kantona Sarajevo o usvajanju Strategije razvoja medijske i informacijske pismenosti u oblasti obrazovanja u Kantonu Sarajevo, broj: 02-04-18014-39/22 od 28. 4. 2020. godine i dostavljenim projektom Fakulteta političkih nauka Univerziteta u Sarajevu, akt broj: 27-11-41639/22.

Član 2.

(Odobrena sredstva i plaćanje)

Ministarstvo će odobrena sredstva iz člana 1. ovog ugovora u iznosu od 50.500,00 KM preraspodijeliti sa budžetske organizacije 35010001 Ministarstva za nauku, visoko obrazovanje i mlade, ekonomski kod 614300 QAN001 Transferi neprofitnim organizacijama-Visoko obrazovanje na budžetsku organizaciju **35020010-Univerzitet u Sarajevu-Fakultet političkih nauka** po osnovu odobrenog projekta.

Član 3.
(Obaveze Dobitnika sredstava)

Dobitnik sredstava je dužan da:

- a) namjenski utroši sredstva za projekat iz člana 1. ovog Sporazuma u skladu sa projektnom dokumentacijom i zakonskim propisima;
- b) nakon realizacije projekta iz člana 1. ovog Sporazuma za sva utrošena sredstva dostavi narativni i finansijski izvještaj o namjenskom utrošku sredstava doznačenih iz Budžeta, u roku od 30 dana od završetka projekta;
- c) ukoliko Dobitnik sredstava ne utroši dodijeljena sredstva ili mu dodijeljena sredstva premašuju utrošak, dužan je da uz podnošenje izvještaja izvrši povrat viška sredstava u Budžet Kanton Sarajevo.
- d) završni narativni izvještaj dostavlja se u pisanom obliku i obavezno sadrži opće podatke o utrošku novčanih sredstava.

Član 4.
(Opće odredbe o realizaciji ugovora)

- (1) Dobitnik sredstava prihvata finansijska sredstva iz člana 1. ovog ugovora i obavezuje se da će ista utrošiti namjenski u skladu sa projektom, a svako drugo korištenje odobrenih sredstava predstavljat će zloupotrebu istih.
- (2) Ministarstvo ima pravo svakodobno vršiti kontrolu namjenskog utroška odobrenih sredstava iz člana 1. ovog ugovora, te u tu svrhu vršiti i tražiti dodatne provjere.
- (3) Odobrena sredstva mogu se utrošiti samo za predloženi i dostavljeni projekat u skladu sa dostavljenim i ne smiju biti utrošena ili preusmjerena za druge projekte ili aktivnosti organizacione jedinice bez saglasnosti Ministarstva.
- (4) Ukoliko se utvrdi nenamjensko korištenje odobrenih sredstava, ugovor se raskida, a Dobitnik sredstava je dužan Ministarstvu vratiti cjelokupan iznos odobrenih sredstava iz člana 1. ovog ugovora, u roku od 15 dana.

Član 5.
(Izvještavanje)

Dobitnik sredstava dostavlja svoj izvještaj u roku od 30 dana od dana završetka projekta sa odgovarajućom dokaznom dokumentacijom, koji sadrži narativni i finansijski dio, sa odgovarajućom dokaznom dokumentacijom, uključujući obavezno, a ne ograničavajući se na:

- a) izvještaj o provođenja aktivnosti/programa/projekta koji treba sadržavati puni opis provedenih aktivnosti, postignutih rezultata, poteškoća u implementaciji programa i projekta i sl.,
- b) finansijski izvještaj treba sadržavati popis prihoda iz svih izvora finansiranja ili sufinansiranja, direktnih i indirektnih troškova koji su nastali tokom izvještajnog perioda;
- c) dokumentaciju (original ili ovjerenu fotokopiju) kojom dokazuju svaki pojedinačni trošak.
- d) Kao dokaz o ostvarenim rezultatima i o namjenskom utrošku sredstava, Dobitnik sredstava dostavlja priloge uz izvještaje (fotografije, materijale koji su izrađeni u okviru projekta i sl.)
- e) druge priloge koji potvrđuju navode izvještaja.

Član 6.
(Obaveze Dobitnika sredstava)

Dobitnik sredstava je obavezan da:

- a) realizira projekat u vrijeme i mjesto provođenja aktivnosti/programa / projekta, onako kako je to navedeno u projektu;
- b) omogući Ministarstvu kontrolu namjenskog utroška sredstava tj modalitete za praćenje i ocjenjivanje uključujući i obavezu dobitnika sredstava da podnese izvještaje o aktivnostima i finansijsko izvještavanje, te omogući Ministarstvu uvid u finansijsko poslovanje i projektne obaveze Dobitnika sredstava;
- c) prilikom realizacije i implementacije projekta, naznači da je isti finansiran i podržan od strane Ministarstva, kao i da isto navede na svim promotivnim i reklamnim materijalima tokom realizacije projekta ali i na svim materijalima koji će biti rezultat realizacije projekta;
- d) ukoliko realizacija projekta ne bude završena u predviđenom od dana potpisivanja ugovora, dobitnik sredstava se obavezuje Ministarstvo obavijestiti u pisanoj formi o razlozima zbog kojih je došlo do kašnjenja u realizaciji projekta. Ministarstvo u svakom konkretnom slučaju cijeni opravdanost i osnovanost kašnjenja u realizaciji projekta i u slučaju nesuglasnosti obavještava Dobitnika sredstava;
- e) dostavi Ministarstvu rezultate/dokumente proizašle iz finansiranih aktivnosti.

Član 7.
(Propuštanje izvršenja ugovorenih obaveza)

Dobitnik sredstava ako onemogućiti nadzor nad utroškom sredstava, propusti uredno izvršenje ugovorene obaveze u pogledu namjenskog utroška dodijeljenih sredstava i blagovremeno dostavljanja pisanog izvještaja kojim se na dokumentovan način dokazuje namjensko trošenje sredstava, ne može u naredne tri budžetske godine ostvariti pravo na dodjelu sredstava iz Budžeta Kantona Sarajevo sa pozicije Ministarstva za sufinansiranje udruženja/neprofitnih organizacija i projekata/programa iz Budžeta Kantona Sarajevo.

Član 8.
(Obaveze Ministarstva)

Ministarstvo je obavezno da:

- a) izvrši uplatu odobrenih sredstava iz člana 1. ovog ugovora na račun Dobitnika sredstava najkasnije 15 dana od dana potpisivanja ovog ugovora;
- b) vrši nadzor nad namjenskim utroškom dodijeljenih sredstava u skladu sa ovim ugovorom;
- c) participira u radu izrade dokumenata putem datih smjernica i saglasnosti

Član 9.
(Saglasnost Dobitnika sredstava)

Svojim potpisom na ovom ugovoru, Dobitnik sredstava potvrđuje svoju saglasnost i prihvata da se podaci sadržani u ovom ugovoru unesu u Registar transfera neprofitnim organizacijama i

pojedincima za finansiranje i sufinansiranje aktivnosti/programa/projekata iz Budžeta Kantona Sarajevo, te da budu javni i transparentni.

Član 10.

(Uslovi raskida i promjene ugovora)

- (1) Ugovor se može raskinuti kada iz okolnosti proizilazi da Dobitnik sredstava neće u roku realizirati projekat i u slučaju nepoštivanja odredbi ugovora.
- (2) Ugovor se raskida jednostranom pisanom izjavom volje drugoj ugovornoj strani, poslanoj na adresu iz ovog ugovora ili objavljenoj na oglasnoj ploči Ministarstva.
- (3) U slučaju raskida ugovora, Dobitnik sredstava obavezan je Ministarstvu vratiti cjelokupan iznos odobrenih sredstava iz člana 1. ovog ugovora, u roku od 15 dana.
- (4) Promjene ugovora su moguće u slučaju opravdanih izmjena uslova, na obrazloženu molbu ugovorne strane a promjena uslova ugovora se realizira zaključenjem aneksa ugovora.

Član 11.

(Rješavanje sporova)

Ugovorne strane svojim potpisom potvrđuju da su pročitale i razumjele odredbe ovog ugovora.

U slučaju spora nadležan je Općinski sud u Sarajevu.

Za pitanja koja nisu regulisana ovim ugovorom, a odnose se na prava i obaveze ugovorenih strana primjenjivat će se Zakon o obligacionim odnosima.

Član 12.

(Završna odredba)

Ugovor je sačinjen u četiri (4) primjerka, od kojih dva (2) za Dobitnika sredstava, a dva (2) primjerka Ministarstvu.

FAKULTET POLITIČKIH NAUKA

MINISTARSTVO ZA NAUKU, VISOKO

OBRAZOVANJE I MLADE


Prof. dr. Sead Turčalo, dekan


Prof. dr. Aleksandra Nikolić

Broj: 01-3-1139-1/22
Sarajevo, 12.10.2022

Broj: 27-02-11-41639-2/22
Sarajevo, 10.10.2022. godine